



06992

墨香閣集卷之九

五言古詩

泰山頂觀日出

高寒偪象緯中夜鳴天風溟勃眇何許半壁搖長
虹低昂互明滅峰頂光熊巖崖窟迭變幻歛忽殊
青紅棲禽已驚寤日輪升海東人閒正酣臥下睇
烟冥濛

次韻鄭魚門秋夕書感

時鄭有所激詩以廣之

午夜涼飈生秋聲驚坐寐月色盈中庭桐陰滅半

砌志士感時節繁憂浩無際碧宇河漢橫寥廓絕

墨香閣集卷九

詩

纖翳太虛本澄明塵勞徒做做人心有天游胡為

自膠戾

貴酒不盡飲旅顏成半酖世味閒愈淡夜吟秋更

多蟋蟀無意緒苦效商聲歌我聽猶絲管飈賴蠲

宿痾篆烟靜不散井水寒無波燭光熒棐几聖籍

紛駢羅

耒陽飛龍洞

翠壁迴驚瀾郴水就檢勒詰屈叢木閒徑窮得奧

域入洞蝸殼旋回首餘側匿

取徑右折而入漸暗回視洞門如月半規
洞中諸石一肖物頂竅圍透天光土
人云龍自此飛去鱗爪波浪痕跡宛然頗疑徒寫



儼終古貯黝黑環炬燭幽深肖形攢怪特石柱能
孫撐風旛或颭爪獍獸羣趣人筍簾張嶷嶷神龍
破壁處高罅漏天色至今鱗爪痕晶瑩如新拭秋
風吼衣袈寒氣肅胸臆步夏鳴泉聲心目滋惶惑
賴茲同羣遊得以竟經陟裁詩寄真宰兩腋生羽
翼

樂昌瀧

凡六金龍白茆瀧尤險統名樂昌瀧

瀧水春方豪瀧船俾更蹙朝發平石村懸流疾飛
鏃危崖聳韓祠賽祈紛相逐江心石齒齒山腰風
謾謾風吼水石鬪轟雷翻雪屋金龍浪打頭白茆
壘香閣集卷九 詩

二

百尺瀑高檣束不施春撞偏洞湫舟師容慘淡迴
環迅瞻矚前後一聲呼抱頭競竄伏至白茆瀧奔
雷轟舟子
例齊聲吶喊各迅匿舟中
俟船自駭浪中隨浪浮出正棘捲空來片葉歛深
谷沸沫漬衣裾擺浪泣僮僕我猶手一編悠然披
春服迴憶壬午秋幾陷洞庭舳去年漢陽江驚濤
壓船腹忠信履危塗擁衾得睡熟世路無險夷君
子慎幽獨

端州七星巖

肇慶城北二里許有岩布列大
小凡七形肖北斗其西南大者

為七星主崖洞門南徹李北海題曰景福
入洞高爽平直中腹穹窿峭北岩為後洞
有天然圓牖皆白石膩滑如脂外苞管皮
開朗潔淨質皆白石膩滑如脂外苞管皮

積久如漆
七星皆然

景福巖敞麗白質而黑章表裡衡峻潔前後延天
光繡野平且迴洞門豁離疆遊人聯袂入高蹕欣
翱翔坦坦直如矢瑤壁屹夾墻有石龍礪角乳水
流其旁忽焉豎大瓠虛腹開堂皇四周團蓋垂層
廓穹中央堪建三丈旗肆筵陳干觴迤北陟斜磴
更得嵌空房圓牖臨碧漪泄湖舟可方因思締構
幻經營入織芒通體絕思議是處凝脂肪咄咄造
物者斯理難推詳頗疑星精化狡獪眩炎荒歸路
頻回馬半壁青蒼蒼

墨香閣集卷九

詩

三

粵歸次梁道始餞別韻

粵遊將歸梁道始張

有一人分日餞別將發舟諸君又祖道海
珠寺分韻贈言因次道始韻志別餘不及
福和時辛卯八
月二十有六日

歸舟繫搭陰五宿珠江戍鄉思匪不縈惜別期屢
誤今晨集冠佩知我戒征路絲管徵吳歎獻酬盛
禮數酒半登寺樓贈言詩迭賦恭乘良友箴披寫
心迹素永真懷袖中德義如覲晤秋風吹片雲落
日低遠渡蒲帆乘晚潮揮手分去住行矣各回首
蒼茫隔烟霧

祝融峰

巍石轟鵝尾

峯頂皆石凝結

迴穆南維宗根盤八百里首

冠七二峯江湖濛片影瀾霍爲附庸炎帝御丹館

左右夾赤龍

山形土色似此

羣山亦峭峻聽命如徒傭紫

蓋非不朝前導鸞鶴從霽海白漫漫翠螺流雲封

根陰本火德凜肅常似冬我來當六月衣冷裝綿

縫涼風先暑到吹老山芙蓉

峯頂高寒六月中芙蓉已開殘矣

靈巖

又名月到岩

二首

谷外屯野烟谷中簇羣峭石徑丹壁蟠半里躡虺

虺孰自鴻濛初鑿茲混沌竅雲風相吐吞日星亦

暉耀豈惟蟾兔光午夜此流照絢想題巖人標

墨香閣集卷九

四

識去聲觀徼妙

族祖所題

洞門餘半規眉月偃惟肖學扇

將團圓懸弓無震掉

杜少陵詩月生初學扇侯歸錄月如懸弓洞門酷似碧

宇河漢斜飛輝穿輿窳竟夕龕掩燈乃覺名典要

禪室分短垣僧初繫弱薦冽泉蔚畔鳴叢花壁閑

笑扁戶延高光咄巔展遐眺秋霖從漏天烈焰任

原燼穹橋仙侶遊泉岩諸子少

仙人橋竦峙岩後高入天半岩旁有

碧泉對獅諸小岩環列

曠劫無磷緇滄桑陋蓬嶠

虎斑未炳蔚

登州虎斑洞以石紋相對其真雜亂黯淡蜀壘

不吞吐

頤山無

名者實之賓虛聲了無取環海諸名山靈

巖凡六五

雁蕩姑蘇長清婺源俱有靈岩

洞口多仄歛徑道勞偃

樓或狹如盛龕或庳如覆甬縱有形穹然黝黑貯
終古滲漑之所匯虺蜴之所府不迓天日光何由
見月午惟茲開堂皇爽塏納陽煦峻潔無纖瑕神
工陋華宇來遊懷老成頻年扃巖戶講學環冠裾
高論振龍蟠想見危坐時玉屑霏松塵鏡壁紀遙
情詩思兀翔舞族祖元暘微時肄業講學於此延
佇山日斜暮色滿林鴟歸塗更回首月上天橋柱

即仙人橋

碧泉巖

一作滴泉在靈岩右廣深僅尋丈丹壁一罅微涓徐滴多寡遲速如一無

少差

墨香閣集卷九 詩

五

茲崖韞高德不欲矜有餘盈腹貯乳水纖鯨鳴珮
玷夏潤冬不縮點滴均數疏一綫下雲竇匯入芙

蓉渠

靈岩前沼

鏡澄天在水中無驚餌魚曾洗仙藥鼎

時濺遊人裾綠苔有新意丹壁無宿淤窄厂足容
刻可以讀吾書樾松匝戢戢好風來徐徐茶鑪近
挹取小啜塵慮祛流潤歷于劫應有神物居何當
作霖雨及時起焦枯

時苦旱

節母楊太夫人八十壽詩

片玉輕洪鑑積雪瑩寒陌曾歷屯難餘是物輸堅
白往者明不綱野溷元黃血朝士工喧虺羣喙

一無策寒寒少保公身丁陽九厄嘔心狶突辰盡
瘁狼烟隙精悃格袞旒大義漑巾幗未亡人甫笄
春卉慳瑩澤丹穴鳳雛孤青鏡鸞影隻淒涼沅水
秋寂寞蟹啼夕非效兒女悲萬事感疇昔家國閱
盛衰天地成踟躕惟餘歲寒心耿耿盟松柏剝復
運循環幽潛例顯赫崎嶇三十年綽楔森廬宅崢
嶸舊相門天日昭金碧貞性爲壽徵康強定踰百
仙源玉甕春紅牋頻續擘

送太原郡丞朱龍躍告歸粵西終養次蔣石

塘前輩韻

墨香閣集卷九

詩

六

飛鴻喜寥廓不入澤雉樊慈烏疲哺飼不隨羣鳥
喧人愧鴻遠舉更愧烏酬恩君宦非不達晉水參
熊轡艱難積治行容易高凌騫卻愁組挂體惟念
人倚門投牒遽歸去襟減新泪痕湘源水石好霜
徑松菊存承顏舊茅屋放歌老瓦盆古人崇孝養
至性誰復敦嗟嗟軒冕士何以示後昆

望太華

蒼螺插青冥迢遞百餘里

夏邑距華近二百里
已見三峯矗立天半度

河欹馬前潼關落地底狡獪古巨靈分擘在掌趾
四方真削成巍峩太始始數日與周旋無那驛程

駛迴軫秋更深高躡窮端委

登華

顛氣澄心魂秋暉開霧谷山麓五里關迴陟窮躋

攀嶺儀一肅穆山半理青鞵至青柯坪筍崖臍吼

怒瀑路轉捫鈎梯瞳深躡攢木并窺寥天光溝劃

厚地軸千尺瞳百尺峻嶺魚脊歆蒼龍嶺尻行猶却

縮左右巉無垠孰敢一移目經時始出險四體脫

扶服玉池水沄沄老松風謾謾盤迴抵南峯昏黑

沸蝙蝠古廟棲高寒呼吸凜幽獨星象大如箕奮

芒簷際宿碧火飛碎團罡風颯字驪晨起看諸峯

墨香閣集卷九 詩

七

雲海露萬鍊一髮黃河流高掌積疥瘵東眺仙掌

溜錯壘無異洞辭探尋道人導觀避詔歸途滋窘

縮茲山巨秦甸骨立無肌肉天半垂筐繩雲際懸

板屋何代鑱山靈緝編編巔腹道廣乘麟遊退之

投書哭羽化疑荒唐垂堂自慙慙一墜那得取杜陵

句悔狂當三復

春遊雜吟六首次趙秋谷前輩韻

沍寒蘊元化釀此無邊春光風洗黯黮老物呈鮮

新遙山突入戶半壁青嶙峋晴空雲藹藹碧波

鱗鱗樂意到魚鳥飛泳羣相親農事以時舉錢鏰

亦已陳林閒鳴社鼓陌上扶醉人
昇平太和徧
何處容鬱堦

洗眼待春歸一療詩才餒醜醉看花觴宿醒連不
解紅紫紛迷離到處空貽駭何限輪蹄塵誤逐繁
縟彩冲漠司化機疇其覓真宰

歲晚冰雪攢衆卉泯無迹一自春風來是處草痕
碧桃杏矜豔陽倚笑東郊陌習經寒與暄獨有舊
松栢甘避踏花塵雲烟共朝夕

繁枝簇蓓蕾東風爲吹開爛漫曾幾時片片飛綠
苔開落皆東風昧者紛疑猜芳時異搖落胡爲有
隳摧君看蒼巖樹榮悴何預哉

墨香閣集卷九

詩

八

三月春浩浩楊柳披清池依依綴柔葉裊裊垂長
絲遊人就帷幄詞客吟歲蕤不願蒙顧盼願勿攀
折之攀折亦易盡來歲無好枝

繁英已續紛花風未吹棟今歲桐葉增化工不肯

卷今歲逢閏
節候較遲

密樹百疇鸞畫梁雙歸燕富兒羅葦

羶閉戶開廣宴獨有靜觀人早識東風面筇杖收

將歸陽春在吟卷

青州舊署就圯子捐貲重加營葺趙秋谷前

輩賦燕喜堂詩寄賀兼訂今春同遊雲門

山詎按試歷郡兩閱春期始自濟南移駐
今又將出試登萊不得赴雲門之約矣因
次賀詩原韻奉酬

巢痕未盡掃補葺祛茅營燕子今又至主人猶未
還桃紅柳綠碧瞥眼車塵閒二思堂闕寂榻來花
事闌呢喃語歷歷似翻春遊慳登樓懷杖屢愧對
雲門山

署中有二思燕喜二堂園有
見山樓以南對雲門山而名

按試東昌塗次送季弟叶五還楚鄉試

久度歸有期我心已如擣經年共長檠今晨涉遠
道常勸加餐飯茲食翻不飽至樂在天倫宦遊恨
均未了歧路空踟躕此別殊草草去去兩相望野
烟冪樹杪

墨香閣集卷九

詩

九

次韻題萬授一前輩蘭窗卷

萬氏家譜中彙
集先世手蹟初

得其遠祖鹿園圖於逆旅惟缺五世祖蘭
窗墨蹟吳寶岩得蘭窗字說於小市歸之
於萬作詩紀其事和者甚衆

萬氏宗系圖上掩韋銘譜脈絡尋真源支蔓翦遐

古曩哲言有徵豪翰光藻黼綴輯一何勞累葉續

蒐補邈矣河山盟剩此星文聚遂令披卷時想見

羊與杜

萬氏故
明勳舊

同時勳舊裔談禮輒病齟用稽叔
夜語

席寵承平年輕環了無阻紅袖侍歌呼青緇供歡
吐腹枵骨亦柔無文且不武老革徒爾爲泯泯同
一炬何似扇善門扇善謂禮本荀子韓詩外傳作辨善象賢十踰五
蘭窗發舊香佳話入犀塵摩抄漬泪痕紙上親遠
祖距昔鹿園圖後先若停佇因思陵谷移是物浩
無主金盃出人閒社壘夷烈炬區區楮墨餘誰復
弄囊褚異哉此卷存波磔兀翔舞寶氣寧久藏
例合辭塵土芋町就奇人寶若別號芋町切跨市兒語手
購非常珍心訝誰何甫此物神依憑耳孫唾手取
家乘還補遺茲事堪揚詡作歌有羣公鄙語助邪

墨香閣集卷九

許

次王子未除夕懷親韻子未禮陽人謁選京師

朔吹連夕號塞鴻戛天路浩浩輪蹄中冰雪歲復
暮遊子思故鄉况乃縈孺慕迢遙茹水溪燭前髮
垂素捧檄期何遲獻節時已誤紉線猶在衣未忍
再三顧蟻泛吟更悲雜唱眠屢寤我亦延佇人愁
讀仙芝句晉江偉冬夜思親詩思我慈父運首延佇唐丁櫻芝除夕吟開正獻歲酒千里

隔庭

贈指頭畫吳生

吳生寫花竹不藉毛穎功酣飲近三斗意興增豪

雄甕鉢深且闊手墨相磨碧淋瀝迅揮灑枝葉烟
冥濛楮素累几案眴目歎已空萬變具生意五指
流化工朝日明疎窗挂我齋壁東冉冉送香氣颯
颯來寒風

香東銅劍

我有古銅劍短柄旋螺紐得自縑水中或云似七
首土花散雲霞潮氣溢碧黝隨身三十年摩挲未
去手舉示鑒賞家翻嫌質重厚珍重貯書笥莫作
蛟龍吼

俠客

宮友鹿以徐文長俠客麗人酒徒才子
四詩句偏粘一人一事欲前四句不黏

墨香閣集卷九

詩

士

事實惟以意該末二句用古人名仍須
以議論出之屬子與荆山天棧同作
嗜名勝慕義終以俠自戕報讎乃末技撥亂爲眞
強圯上受書後所以爲子房

麗人

蓬門與金屋在處生景光宮閣梅亦韻空谷蘭自
香東家女具體惜哉歸宋墻

酒徒

有酒飲醇醪無酒呷薄醋石曼卿事此外非所知於中
別有故若徒枕糟印參籜溢衢路

才子

搖筆鞭風霆披書鄙章句眼底三才融胸中五嶽
駐誰歟繼莊騷庶幾長卿賦

高僧

友鹿又廣其類爲詩凡八仍用三韻
體不拘用事與否屬予荆山次和

片雲晴在天孤月秋映潭詩句超迹象佛法離諾
談儒釋兩不着二慧猶多慙

飛仙

兩九太勞勞萬劫遽冉冉腥塵滄海揚霞袂罡風
颭高舉凌紫清那見烟九點

漁父

舉家婦與子泛宅西復東日高晒漁網月午收釣

墨香閣集卷九

詩

筒野泊就淺水遮莫橫江風

隱者

獵賢從結網不能羅蜚麟烈焰從炎岡不能焚石

磷世莫知名氏是惟上皇人

陸龜蒙詩獵賢甚熊
羆石磷炎帝之玉名

光夜

貧士

腹便氣自華理勝色無墨驟富非所求長貧固其
職好雲只在山饑來不乞食

樵人

涉谿豈待風

用鄭宏事

入山非學仙芒屨春苔染泉衣

秋斧穿朝朝近虎穴樵爨無炊烟

牧豎

朝驅牛出邨暮驅牛歸樾春風雲上爭夕陽江畔
笛但視牛腹肥以考牧兒績

耕夫

竟歲動鱗螺三時疲邾蹠鳧堅刀代牛雀躍桐作

馬白汗流中田白粲輸大廈

鱗螺與甌窰同音義
高土也見荀子註五

鳧土堅見管子刀牛桐
馬用戴叔倫及東坡詩

贈瞽目卜者董道含

董好禪誦故前
半戲效偈語

目但職司視惟心獨能思思能通造化不視視靡

墨香閣集卷九

詩

三

遺有目視不視雖有何所爲禍福人自召其本當

自知生死人自爲其故當自推惟其盲於心摘埴

良可悲橫目

本南華

益回惑所以求瞽師董叟言屢

中據理無詭奇嚴遵卜蜀肆語必依孝慈顏含達

性命不欲事龜著卓哉秉高識眞足牖羣蚩餘慶

惠迪吉聖言不吾欺

次汪文升前輩詠邯鄲舊事韻三首

葵枕止區區乃藏大千界人盡遊其中神仙非狡
獪來往輪蹄心大嚼圖一快周蝶兩迷蒙宜其投

地拜

右呂翁授枕處

邢尹各異貌燕環各異肌萬物尚天然何用交相
師故步堪自適失足尤可悲效顰貧富走非惡東
家施

右學步橋

豔葩春日中團扇涼風後塘上嗟黃金溝水吟白
首何如廝養婦終身共相守自誤為才人怨耦乃
嘉耦

右邯鄲才人嫁為廝養卒婦

宿雁蕩碧霄洞

墨香閣集卷九

詩

龍雁崖谷奇茲洞尤肅爽肅爽用玉版
佐記頌語罅磴螺仰

旋昏黑躋高厥倚石嵌層樓跨空凌萬象羣峭環

繞之宵暗增麓嶺突兀攢角牙秋旻餘一掌忽

訝峯巔明遙岑新月上清景豁心神顛氣溢帷幌

衆籟俱寂然葉落四山響歷歷曾夢遊登陟猶髡

髻幼時每夜夢至一山有
詩題壁此山景物畢肖置我冰壺中時作鸞鶴

想

姚畧嶺温台
道中

凌晨戒徒旅亭午疲馘虬仰陟猶未停我身在危
嶠仄徑老木攢迴磴蒼藤掉天光相蔽虧陰崖穿

窈窕魑魅潛睚盱猿狖迭啼嘯越疆地底看溟海
襟前眺黑雲低可探炎歊紆炙燎山上山更高行
行偈層峭

括蒼道中題交青驛壁

交青幾萬仞

交青連嶂接括蒼山

天界疑未分行客躡青嶂

秋風吹白雲衆皴披迢遞是處搖營魂山坳非無
寺鐘聲杳不聞驛亭半懸崖白晝眠麈麋孰云神
仙窟空憐徒旅羣前山更竦嶮亭午愁日曛

吼山

在會稽東城外山環一潭圍徑數百步幽深無底積水沉黑如墨汁有石門外

通鏡湖舟所由大

墨香閣集卷九

詩

五

漾舟丹石門亭午如日昃碧環山合圍蒼沉水歸

域是爲無底谷倒罨佐海色想從無始初歷劫貯

黝黑潭底天團圍巖巖邊徑偏窄浮空愁幹迴佇岸

凜傾側登縷窮輓轡淵淵杳莫極傳述滋俗訛開

鑿豈人力

俗傳句踐鑿石築城所致然潭面與外湖水平曾有懸縷測之者累續百十不

止則下鑿之說疑不足信曾聞魚有神仰出受齋食元會經幾

更身大阻洞闕萬一噓微瀾安危不可測寺影欹

潭心層樓怯攀陟遊華高悔登

昔遊華山幾殆臨深事亦

惑旱塘堪翱翔何取蛟蜃國

此爲水塘其南有旱塘可遊

曹娥廟

颯颯靈旗風浩浩，娥江水廟祀無時。休孝女元不

死，姓氏光山川。

惠澤霑族里，口碑萬古心。黃絹辭廟，距孔道里許，行人無不瞻祀。

未美

村中多曹姓，皆資香火，瞻給。

吹臺

在汴城南門外，是日王君雲衢談明末流賊灌城事，坐客悽然。客有吹長笛及

彈琵琶者，送作以止之，始得歡然終讌。

茲地閱興廢，知歷幾劫灰。世隨河流去，僅存惟此

臺。宋室泯遺跡，五季彌摧頽。何況授簡處，枚鄒空

費才

此梁園卽此地

明衰盛，封豕中原尤。擊逐蹈瑕水，藩

服民罹沉。寵災至今沙，攢堞北風吹。黃埃昇平

話往事，坐客徒心哀。置之勿復道，歡笑雜諧諷。清

墨香閣集卷九

詩

六

籟入橫竹，大聲鳴忽雷。毋負此遊讌，陶然盡罇罍。

晚泊邳州港

隄樹遞隱見，暮烟生水湄。纖月猶未上，草蟲鳴正

悲。經滌市，乍徙將泊船。屢移風景憶，前度衢巷攢

酒旗，惟有舊戍樓角聲，終夜吹。

戲題任蒼佩垂釣圖

淮陰人任浙藩經厯

淮濱釣臺荒，蕭瑟淮陰里。不肯食無魚，攜竿向漸

水。漸水慎溯洄，上接瀧七里。有臺高嵯峨，倒影瞰

清泚。跪餌披羊裘，嚴先生遺址。先生非釣魚，深衷

姑寄此。後代諸釣徒，有舟不敢艤。何如捲綸歸，遺

童趨漁市但問鬻蠶全何必魴與鯉終日鮮可烹
兼可通政理奚爲圖大魚迂闊任公子

泊大通港將遊九華風阻不果

吾友談九華昔聞狂歌舞

吳七雲宗伯曾與余同齋宿天壇極道九華之

盛沂江千里來早辨遊筇拄卸帆泊大通嶙峋屹
對宇峯翠落船頭夕陽分脈縷中夜何喧豗石尤
掀檣櫓白浪三日騰鯨嬉蛟鼉怒茲時疲乍恬已
屆日卓午貪趁東北風瞬息越前浦覲面空失之
夙願缺償補海內諸名山十曾遊逾五奇勝留大
公探訪無專主何獨於茲山江神固相拒烟嵐縈

墨香閣集卷九

詩

七

夢魂混沌尋睡譜山水信有緣不敢怨風雨

書嚴海珊梅花詩卷

平生漫吟詠獨少梅花詩此花絕高迥着筆叢瑕
疵化工入君腕神動而天隨驪黃牝牡外相賞遺
毛皮疇昔經剡曲遂谷花垂垂淡烟月雲夜獨往
寒侵肌此景縈夢寐披卷憶曩時

送聶進士函有宰鎮安

君無適俗韻文辭亦載道羽族輝長離榛叢擢朱
草茲焉宰山城僉望攄積抱觀化民無愚舉職邑
無小仕學雖同條政事難悉討曷哉宏遠謨公勤

書上考

唐制公勤為上卷聶君平日披吟不輟非臨政所急故以勤民望之

遊羅浮二首

辛卯八月同洪庸箴楊騰九自泊頭登岸飯華首臺僧院更由

黃龍徑至冲虛觀宿

半壁雲亘天羅浮屯蒼翠刺眼撐空樓憩足團光

寺遙見大小石樓峯高入雲華首臺兩水夾光中為圓臺寺因之林雀毛羽奇鳴

舞喜客至雙溪匯門前狎石環而侍古薜能作花

儵魚不受餌遠近諸崖峯森削難軒輕取舍情更

紛熊魚我兼嗜庸箴議選勝而遊余欲徧觀會須躡層巔飛仙

與翔戲

盤折黃龍徑舊是遊仙道四山太顛狂亂插向晴

墨香閣集卷九

六

吳雜卉攢頰顏老人峯末老豁崖瀑重重仄步風

浩浩瘦筇如不支一墜那能保遙睇梅花村清夢

跡如埽抵延祥寺望梅花村居舍錯雜不其幽寂疑後人強名者稚川遺舊居

榜題儼三島晚飯黃冠厨相將食芝草冲虛觀為葛仙宅舊

有蓬萊閣是晚道士採鮮菌為饌

自冲虛觀而上徧尋諸勝將登飛雲峯至玉

女峯值驟雨返

仙夢竟未成朝霞入戶牖撥剔窮窾崖攀陟兼趾

肘朱明標洞天奪傳十失九丹竈攙塵泥丹井沸

蝌蚪誰上野人廬一挹麻姑酒惟有梁僧泉甘寒

宜燥口

俗取丹灶泥療疾皆道士鶴爲朱明洞天石上有黃野人廬岫甚西南爲麻姑峯寶

積廢寺伏虎岩下有梁僧景泰卓錫泉甚甘冽青鞵興未慵躋巔將唾手

山靈妬遊踪雷碾衆壑吼飛雲行可登飛雨來何

陡雲海浩漫漫萬峯藏大藪三千六百丈絕頂杳

無有修磴半午昏深澗怒濤走扶掖遵前塗賴此

二三友兩日欣經尋佳處記某某我較東坡翁所

得良已厚

東坡遊羅浮止一日至冲虛觀而返余所歷諸勝較多

舟還仍晚

晴江上頻迴首

天台道中炎暑不可支入山驛頓蕭爽艸旁

石泉煮茶甘香逾常

墨香閣集卷九

詩

九

荀輿衝炎暑毒熱攢捲幃亭午思小憇十里無柴

扉忽訝涼被體颯爽忘夏威青壁時合沓碧蘚屯

烟霏長松夾道引好鳥相鳴飛藥草不知名宿露

尙未晞連棗競挺擢蒨蒨莖葉肥是處盈澗谷香

氣上我衣有泉響雜珮石罅流珠璣小挹煮山茗

色味人世稀曾吸中冷水疑昔評者非行役兼行

樂心形兩無違便應終日往焉能卸塵韉王程不

敢緩復此馳征駢人生異鴻爪冥情安足希暘時

想玉杓長願雙鳩揮

用王子晉丹井揮雲雪成雙鳩事

墨香閣文集卷之九終

墨香閣文集卷之十

七言古詩

蓬萊閣觀海

蓬萊飛閣鼇背懸碧環四極無涯邊元精浩浩融
大塊獻歛一氣渾坤乾端倪泯盡大虛表體勢壯
居洪荒前八十一分之一神州窄九點區區實此
難爲烟況乃五湖與四瀆極力委輸皆微涓扶搖
鼓翼眇何許縱有大鵬猶孤鳶始知山海十洲記
亦誕混淪爲岸空漠安得容神仙是日風恬浪不
起天吳海若耽晝眠近島遙嶼蟻蠓耳何礙波濼
澄靜空明無量之寥天廣深不測窮名狀古昔賦
手徒雕鐫羲和馭日行水底浮光蕩眼勞迴旋身
世搖搖如夢寐樓端迴立忘拘攣

番禺東鄉賽神曲

效呂谷

茜紅藤杖槌鼉鼓叢祠地衣去聲洋瓊繡繡旛隊仗
迎師孃蠻歌嘲晰鸚鵡舞墻前磔狗剖山羊盆盛
柜妝罍酒漿饗罷歸村述巫語今歲海田備碩鼠

羊城苦雨

海雲碑兀紅壓黑颶風鼯屬簸八極城中萬瓦勻
颶鳴瀉漏秋旻收不得庭霰翻盆堂沒垣垣屋

摧仆攢斑埴雨氣溟濛聲更豪縛筏浴門豎樁杙
環環蕩瀾搖長光那辨巷南與巷北驚魂無術留
草困生耳未遑愁稼穡我雖樓居心鬱紆終夜廢
眠朝廢食祇憂沉竈民其魚深嗔屏翳驕不職匣
中古劍吼琮琤把截蜃蛟無氣力天心必不遺遐
荒嶠窗頻啟延曦日

題滇江粵海詩卷

爲樊學使

滇江複嶂混天碧輕舟迴幹狼牙隙奔流捲雪連
海濤海門秋霽紅雲高百粵恢奇鍾山水韓蘇往
矣騷壇地輪軒攝取歸錦囊墨花灑處愁眞宰曲

墨香閣集卷十

詩

二

江庾嶺還羊城半壁風謠一帙在欵乃曲聲亦有
義陬隅蠻語不須改我昔曾爲汗漫遊海觀甲子
海門山羅浮欲收氣象入豪素詩格未老聊復休先
生高唱榕根路節外潮聲吼江樹此行會近七里
崖還應示我巘阮句

次韻梁進士道始贈端硯

斧柯山石枕灑水水氣蒸酣淡肌理上下中龍分
四崖蝸殼蜂房穿地底蕉白火黯鸚鵡睛時人所
寶皆痲痲老工世業知妍媸割釋菁華棄莠秕微
歛徒誇龍尾金唐宋只貴豬肝紫晚出者乃純粹

精昔鑿膚皮今骨髓近來羣賞青花良好事不悛
百金市益毫發墨難兩兼並行不悖斯爲美梁君
憐我經年求遺將片玉光窗几質醇製古顏蒼深
細黏舌滑不留指相硯者以黏
舌滑指爲訣石盆注水迎朝暉
瑣碎青痕隱隱起十手對面何足云險靡着處無
纖滓相投瓊瑤君多情取注蟲魚我亦恥何以報
之心躊躇六經注釋從今始

放蝶歌

羅浮蝴蝶甚大其繭大逾雞卵長七八寸

土人呼爲鳳皇子

又曰蝴蝶蛋

遊粵者多挈以

墨香閣集卷十

詩

三

歸至中途齧而出大徑尺彩色錯雜雖出
境毋論遠近仍飛還故洞予得繭三枚至
樂昌蛹出無以飼放之與上元張照人同

作放蝶歌

鳳皇子圍數寸長一尺胷葉黏枝來遠挈泝瀧水
囊繭鋪絲韜於縣褐囊蹙織紋如綺懸之樂昌青
箬篷護以古田玉版紙嶺南氣候春無寒螿蛹蠕
動煦濕出屯否跼身掇足迎天陽五色陸離筠竹
底錦翅拍拍聊試飛黛眉曲曲時斗起繡翎兩幅
光逾鮮蕉扇雙搖形頗似炎徼地軸當離明大如

車輪具體此葛仙衣袖麻姑裙世人傳會紛比擬
小船那遂翾翾遊終日瑟縮金粉彫落丹碧滓鳳
皇子爲汝設法餵飼覓花蕊盛以羹投以匕鬚不
縈口不舐憐汝文章代意揣神物恐爲天帝使舊
聞守此不趨彼越境不忘故鄉里縱汝悠揚風日
美好歸羅浮往來四百三十二峯裡

題警菴宗兄江邨負米圖

天瓢倒翻蒼旻漏潭浦雲屯昏白晝裹飯人稀
排戶扉揚歌聲更鏘宋窟空腸遮莫鳴如雷有母
關供叢惡疚來往江干何太頻石角鈎衣荻牽袖

墨香閣集卷十 詩

四

貸粟監河慳斗升乞食柴桑忍謝詢白髮倚闥悲
復喜舖糜勝飲湘陰耐吾宗貯腹踰五千風雅主
盟冠冕胄廉吏子孫常苦饑視畝無秋鬻鳳珠非
仁者粟愁辱親子心愜適勞肩脰荻草依然環堵
居山雌却類飯顛瘦負米酸辛傷哉貧事傳前哲
今復又世人鼎養徒相誇負乘貽恥空馳驟

木石居端硯

攸縣劉眉翁所藏硯名木石居
榕瘦紫絡端石隨石屈曲窪突

相赴體製天然奇古眉翁云元至正開發

自番船明末得自民間席開出以示子

星隕蠻荒化拳石竄入蟠曲榕根隙土膏潮氣滯

蒸本有渾融忘主客歷劫闕藏夜吐光波斯老

賈停番舶低徊淡月不肯去招羣注視眼瞳碧三
宵三晝攢鋤鋤斜穿奧突卅餘尺就中劖得紅紫
團驚喜狂呼勝拱壁

肩翁所
述云云

叢筋蹙縮羅絡之大

如螭蚪小蜥蜴捧來質重三品金剖時氣索百工
役巧匠奏刀神慘澹劃開混沌了無迹中含粹玉

瑩且堅外苞蒼皮鞞不坼坳突中外相彌縫何異
肌膚裹骨骼地天交泰全混成

凡器蓋為天底為
地見

及盧照

鄰剛柔互濟真安宅免毫愜適龍寶愁嶺海傳聞
自疇昔誤出人閒三百年不審何時落閩陌南雲

居士好事者平生嗜古成積癖蟾蝓視滴仇池山

墨香閣集卷十

詩

五

怪怪奇奇羅几席物聚所好神物歸賤直售將十
斛麥韞以蜀山文梓箱襲以瑤天蘭繭帛吟餘得
意頻摩抄晴窗開脉若新獲賓朋滿座求一觀手
把森然動心魄吁嗟造物何神奇兩美脗合同血
脈杜陵久歿昌谷亡誰揮健筆工刻畫

杜少陵李
昌谷俱有

視屬我卽席爲長歌欲作奇語轉踟躑更待淋漓

酣醉時紅牋絡繹爲君擘

題孫子未前輩梅雪圖

仿山谷

頑雲黯黮酸澁風雪花如掌填層空脆葉柔條久
銷歇桃株李柯難白紅老梅森竦幽崖側賦形羈

柯香冲融翻光搖素互相得何假黃昏月朦朧由
來孤幹幹元化寒威雖勁無能攻衆植盛時甘索
寞乾坤賴此收成功縱不作花風格在天意特借
開羣蒙歲寒標異非所願澗畔蒼叟心跡同

送李惠伯歸漢陽次留別韻

花時塵漲穉颺吼南北巷簇櫻欄帝誰歎剝啄閒
官門攜來束筍詩百首西湖歌君有仙才知不知

天葩紛擢棘榛藪齟喉舛繆窮聲形金石殘零別
跟肘通音韻旅遊未減山雌肥肯效蠅營富以苟

本大戴記竭來燕市挫曩懷冠蓋如雲缺文酒舉扇一

墨香閣集卷十 詩

六

揮歸去來還尋江上忘機友憶昔逢君烟波灣
峇頻繁互擊叩船頭漢水春漫漫索郎有願傾餅
甌今航宦海聽沉浮方寸猥凡濶瑕垢沅芷荏離
春正濃却羨扁舟落君手長歌相送一愴神鄉心
搖曳驛亭柳

次涔東兄得月軒韻

楚天雨霽湖烟歇玻瓈盆是銀蟾窟除却海上三
神山天下無如洞庭月軒楹着處鄰龍堂夕窗早
逐金波光蚌胎迸彩遊汗漫神女弄珠來徜徉澧
浦粘天月如水此閒邨復容塵滓怪得新詩清徹

底君身長在水壺裏

題羅飯牛風雨載酒圖

連日狂飈挾猛雨天涯搖落愁羈旅吟詩無興歌
無歡澆腸何處賒芳醋欵然一葉橫江來索郎相
顧思同語憑將春色省悲秋酒多稱春有稱
洞庭春色者青錢
未辨涎已流破除萬事惟此物相與翦燭攢觥籌
望梅止渴圖中求誰歟作者羅飯牛

題泝湘望衡圖

爲作

暝雲烘徹衡湘路水程紀自花石戍烟中欵乃聞
漁歌波底澄明涵隄樹舉頭七二青芙蓉繫纜揚

墨香閣集卷十

七

船隨處逢九面分明眞面目太勝山中扶短筇

棗花書屋次劉太乙韻

隘巷古墻衣去聲薜荔閒官索寞屏晝閉客來剝啄
風送香疑有幽蘭生堦砌由來棗花垂短簷綴枝
纂纂綠纖纖主人孰此增吟興賦詩掃禿毛穎尖
此樂宜衆不宜獨畢竟少陵勝昌谷李長吉憶山
居詩小樹東
花今年紅縐秋更稠開門可許西鄰撲

義興長橋歌

惠山舟中與王君雲衢裴子滄
曉儲子孚若分詠義興舊事得

周處
截蛟

長橋猗颺鳴颯颯毒霧腥涎晝蹙昏饑蛟睽睽千

尺潭狎攝保蟲供阿欲誰殲白額呼靈露賈勇還
侵河北宮手拉老饕傳短刃三日三夜波翻紅更
着儒冠事儒道三害全除謝里老吁嗟乎安得並
除司馬形他日西羌一劔埽

春遊曲

濕雲蒸暖春蕪綠銀塘水嫩鳩鵲浴結伴閒隨蝴蝶
飛風光偏駐長隄曲葳蕤高髻嬌青陽老鷓墮
鬣參差光行近紅橋不肯去阿誰歇馬歧垂楊

寒山餞春次韻

照讀梢枯燃土竈酣眠曉聽簷鵲報亂山深處寒

墨香閣集卷十

八

閉門不知門外春殘耗舞山香罷蜂蝶稀棘花吹
盡梅漸肥既與東風不相識何用盃酒悲春歸高
捲湘簾通乳燕繞屋扶疎陰入視此時景物尤宜
人較勝芳郊塵撲面

楓橋麥

時徐正峯宰吳江爲予道其事

暝荷飲露文鴛睡吳孃迴漿邀客醉曉日曾逢塘
上筵濃情縈繚金粟珥遊絲過雲嬌歌清琵琶絃
撥琤琤鳴玉山半倒翻盃觥有耳不聞蝦蟇更亂
鷓喚得東方白啄盡楓橋兩船麥

贈傅蒼霖

作巨幅指頭畫

傳君長不滿六尺作畫醜嫌幅短窄闊絹大紙攢
案頭捲袖手濡蒼松液揮搖颯颯風雨來爪指掌
腕紛抹擲健兒快馬衝陣雲兔起鶻落蔑行跡喧
闐求索如堵牆能事偏受交促迫羽毛鱗介皆擅
長尤工仙俠與狂客爲我徵古分作圖怪怪奇奇
神奕奕遙空御風鶴瞥飛長橋除害蝟毛磔石鼎
沸濤仙襲春軒轅兀傲麻姑憚畫時未見勞經營
張處眞能悚心魄歷派從來南北宗天機自動輸
此格我朝擅長高侍郎旦自云夢受神誘掖君

從問徑青於藍蒼沉帶韻逾愜適右手搏虎兼執

墨香閣集卷十 詩

九

獲畫中亦有中黃伯短小精悍無與儔繪事蠶叢
五丁闢由來絕藝天所窮破屋欹門懸做席指頭
偏強腹常枵平生耽此復何益君不見世人十指
頑如椎家富身榮名薰赫

口占戲留段相山山齋度歲

相山欲往高隴市旋止

鬧市逢節羅賓筵閒齋逢節擘吟賤吟賤唱酬歡
欲舞賓筵醉飽悶欲吐吐後情懷眞踟躕舞時興
會溢巾幘鬧市閒齋何者優兩兩比量君自擇我
齋竹戶當東風茶白香清砌花紅更有圖書供商

榷胡不相伴三癖翁

新塘白沙行

爲翁孝子兄弟尋父作

新塘之站湘流汎汎孝子不知吟魂此陷白沙之
洲隄阜幽幽孝子不知蛻體此留陷而留者爲誰
氏翁孝子父湔佳士舟遺一篋爲契孺神揭兩言
該端委遺一篋舟中緝鎖其鎖鑰自佩孝子兄弟屢卜於神神示生還二字當年粵
遊遣二雛燈下回顧睡模糊稍長奉母不識父相
對淚痕流欲枯禱神示生還兆遑恤萬里千里
塗雁行分番影孤往鶴原共逐聲悲呼行犯蛟鼉
衝豺虎尋徹嶺嶠窮江湖手足皸痲肌膚槁頻年
飲泣南天隅一息尙存心不死四迴兆告神豈誣

墨香閣集卷十

十

神人感兆事奇絕意外遭逢大曲折浮家往復衡
湘閒風影無踪求不輟嘔心慟哭蒼梧江江上老
人遮道說昔年弟溺依葦叢驚見寒尸共絆繼爲
憐同難謀瘞藏擇得白沙高敞穴當時雜佩全銷
亡祇存一鑰未磨滅遣報阿姊滋慘傷篋鑰合驗
無差別異哉微此羣疑生往事預爲今日設四千
里外垂老農三十六年徑寸鐵魚鑰竟身關鍵
鯁齒乃代天喉舌弟名海生兄海還生還神兆明
辨哲新塘白沙湘岸隈遺孤哀經陳明永傷母
亡經歲時未能同穴題豐碑所冀魂氣無不之作

牧茲土猶家祠何異生還祀享姚江湄迴憶前事
涕漣而緣此得名心轉悲此事端緒斷續殊迷離
彼蒼藉以開羣蚩天道人理無兩歧人心之天寧
不移直可噓枯甦霜訛何況氣體一脈遺負擔刺
船備嘗險阻卽是親之枝應違惟視誠盈虧明神
義士遺鑰均緣孝子心爲基官閣之人疇昔燈
下兒孝本庸行非神奇

菊花滿頭歌

薄寒入鬢日顚顚
蘭衰謝池荷老漫言素節殊
芳菲肯遣豪情頓
枯槁況是登高挈伴來披拂層

墨香閣集卷十詩

七

嵐藉幽草崖隈瀾畔菊有華晚香較比春色好采

采皆菊寧惟餐落英
鬚鬆點綴亦芬藻紅錦紫絨黃

白羅皆菊明霞掩映倚晴昊
浮世百憂何紛紜此

日塵襟淨如埽
秋容空迴祇一碧寥天尺五豁懷

抱一斗一升卮復論杯
罌四瀛豆三島傿傿屢舞

花垂垂掉頭欹帽非潦倒
從教拍手笑山公未妨

駐顏借酒媪本徐禎詩花爲酒家媪與客扶攜舒嘯歸餘馥

再由斜陽道

度洞庭譚紫璽於舟中彈琴

峭帆影掠君山青碧光浩淼
涵殘星起坐蒸香塵

慮寂耳畔清籟時瓏玲浮金演漾日初出風水相
得聲泠泠平淡紆徐有餘意雲和瑟調慙湘靈春
正煦和丑兩正撥刺疑有魚出聽湖心今古波浪
闊金鏞競奏鉤驚震軒帝雲旗紛絡繹咸池大樂
張洞庭毛髮凜慄之魂悸高會酬獻何時停歛覺
讌畢恬笑語悠揚曲終入青冥菰蒲新茁荻芽長
颯颯亂拂船窗櫺五載俗情移流水起視羲馭斜
飛駟由來妙手工撫弄半日偷寫窮神形琴耶水
耶難區別太古音隨歸舫黃陵廟前酌美酒青
苔白石江花馨更煩禮神彈一曲無數雁羣集迴
墨吞閣集卷十詩
汀是晚泊舟黃陵廟更雲母蒼蒼山色暮仙瑤苔
響紫翠屏

舟泝湘江臥聽譚紫壘彈落雁操次王眉雪

韻

湖波穩度辭驚風黑甜鄉闕春怕融夢好雁羣聲
驚覺昨暮琴聲疑未終隔簾有客重揮手曲調不
殊音節工是日風恬雲淡淡茶烟一縷紫箬蓬賓
朋寂坐篙師靜心手調適流商宮舟行迴絕人閒
世微妙直與鬼神通窗外平沙帶流水披衣欹枕
思無窮頻年塵夢九衢裡心爲形役徒憧憧安得

飯熟猶酣睡到耳
瀾泉響玲瓏
鄰生拄杖半赤髭
攝將勝概歸絲桐
鄂渚掛帆泝潭浦
遙程時聽

心胸清絕今宵好
鼓弄麓山西
面湘水東是日可

贈陳侶柏侶柏自號橋中叟性剛直博學強

人明末值流寇避金陵後入秦幕歸隱謀

北茲遊京師與余寓齋鄰近相酬唱天寒

歌有奇氣因次其韻和贈

古鄴詩狂橋中叟
經史膏腴皆上口
鐵筆縱橫師

鼎彝毛錐抑壓圖
花柳自云方山子
嫡裔世次

延代廿九年十四
冠童子單膠庠角
藝壓曹偶勝

國末造豨突辰
江黃徙家倉惶走
江濤洶涌河浪

墨香閣集卷十 詩

黃東西飄泊成皓
首蘭成作賦哀
江南王粲從軍

客關右壯志摧頽
甘息機譙南卜宅
桑蔭畝比緣

訪舊來京華夢魂
夜依林藪看君古
貌含古心

推輪風味嘶輪手
羣公傾倒陳孟公
招延雜選爭

擁帚性不諧俗違
時人詩壇菟苑恒
多否與余比

舍還往頻歲晚聯
吟互繩糾晨寒索
飲欵齋扉傾

盡閒官度歲酒銜
盃看劒作長歌冰
雪月露紛騰

蹂韓昌黎劒詩我心如水劒如雪
李長吉劒歌陳月斜明刮露寒
昌黎首領昌谷

驚前賢喜得同聲
友階飛雪花大如
掌寧聽颯颯

搖戶牖興酣驅墨
池不冰却疑春氣
歸何陡犀匣

忽發雲霞光
蠻牋欲作蛟龍吼
那能復惜青銅錢
市醪更爲酤五斗

墨香閣集卷十

詩

古



墨香閣文集卷之十終
總題把酒請君
肯賦餘

墨香閣文集卷之十一

五言律詩

雨霽閣望

小閣延山翠危欄斷雨聲碧崖森氣象秋色集柴
荆砌卉迎人綻窻紗着意明憑欄斜照裡得句報
新晴

次鄭魚門感秋二首

時魚門應開列學使而不果賦詩見意余亦有

感於其言

空堂簷影落吟倚欬寥天曠色迷歸翼涼颺急亂
蟬羈愁隨處着秋月向人圓好在叢生桂山齋鏤

墨香閣集卷十一 詩

暮烟

學幻元無意言歸偶未能漫勞騎鶴客大笑啞羊
僧雁影低涼月蟲聲滿夜燈故山遣舊夢秋被易
曹騰

瓜步舟中送郭鍾籥遊宣城

十載無成事依然汗漫遊野風吹短髮落日上孤
舟世路窮交少宣城地主優茱萸節漸近到及敬
亭秋

送余考功田菘還延平觀省次畱別韻四首

道在身謀拙親存宦興微斯人何遽去勝事未應

稀用羅昭
風月虛藤署江湖擅綵衣京華遊子滿

歲晚送將歸

欲歸歸竟得乍減髣邊星鄉夢紆遙夜京塵避獨

醒鷗前秋水碧鴻外暮天青漸覺雲陰近津頭認

鯉庭

好在南溪墅籬花綻舊叢草心舒海日筇節健秋

風劒斂三金鍰雲歸一畝宮歸雲峽劒津
俱在延平境童年聞

禮處燈火夜窻紅

長嘯海門秋新銜蕭灑侯元駒遙格鬪蒼狗各

飛澄紙尾從人署壺中得自由田蒸因同事者不
飭不肯署稿反為

墨香閣集卷十一

所譜故决
意歸養讀書兼負米叢桂耐淹留

洪洞驛館午愁

坡轉草芊芊煩病得盡蠲縣城楊柳外野店芡荷

邊碧水橋重度春風酒一川洪洞酒名春風
以一瓶為一川塵顏

聊一澣午枕小遊仙

卧病初起嵇禮齋吳荆山繆湘芷攜酒見過

分韻得平字

病起秋將晚朋來雨乍晴閉門黃葉落掃徑紫苔

平鶻政苛餘瀝詩題罰不成東陽腰任瘦意興更

縱橫

韓瀧自韓瀧已下共六瀧皆名樂昌瀧

韓祠懸峽壁搥鼓不聞聲
濤撼千崖震天慳兩片
晴濺衣欺旅客迴首失層城
迢遞瀧江路春帆半日程

秋雨晚霽周層崖見過畱飲

簷滴畱苔砌頑雲久不開
驚看新月上喜有故人來
漏永銷餘蠟盃深盡舊醕
寓齋今對宇遮莫玉山顏

過方靈臯

時靈臯以病假寄寓西山僧舍

謁假依僧室身心剩得閒
粥魚銷噩夢霧豹養深

墨香閣集卷十一

三

山榆莢踰窻墮苔錢
土壁斑已無人跡到板戶晝常關

春曉招徐山人

啼鳥喧春枕晨興上小亭
草分層沼碧烟助遠峰
青望裡渾如畫醒餘倍覺醒
閒招方外客相共課丹經

狂叟詩

爲吳寶崖作寶崖自號狂生今更號狂叟衝仗闕門皆紀實也

格性繁狂癖衣襟漬酒痕
行衝時貴仗醉圍定僧
門咤亂供飢鼠吟哀叫夜猿
昂藏無媚骨誰肯惜

虞翻

送鄧中翰蓼伊

冊封安南

鄧粵東人安南多雨惟中國

使命至關必晴霽

龍編登漢版

交趾舊隸中國

鳳闕煥

堯章雨避臨

關使天駟拜

詔王華風銷瘴母鄉味狎檳榔

歸寫山川獻輿圖紀越裳

庚子秋七月次蒲東門人薛毅張錫携酒果

待於驛館同次壁閒韻

綠槐垂戶處碧果飢盤新蕭爽從今日

是日立秋

雷連

共故人祇愁餅易罄未許坐添春

此地舊係狹斜今皆遠跡

得

句同題壁清飈刷舊塵

墨香閣集卷十一詩

四

秦歸薛張二子攜山茗蒲酒仍待於舊館燈

下復次前韻

古寺坡前驛題詩墨尙新濟河猶一瞬秉燭復三

人茗奪青山色醅留白墮春

河東劉白墮釀桑落酒處

客程清

興極洗盡馬蹄塵

趙秋谷前輩自鄉入城相晤復移寓郊外今

又遠寓山園招飲分韻得枝字

林藁非舊地几杖已頻移歛起尋山興悠然信所

之閒雲無定態老樹足奇枝卻恐園丁厭聯吟客

散遲

贈華陰令飭霞山

怪得清臞甚峻嶒嶽影侵行田仙掌下視事碧蓮
陰露洗三峯月風攢萬戶砮此時崖瀑響流水入

鳴琴

劉大山前輩招同宮友鹿吳荆山黃際飛諸

君及余集飲寓齋送顧友于世兄還江都

分韻得江字

友于為房師顧書宣先生
家嗣工詩文遊都中不得意

還里

昔江都師葺書齋有雄雉飛集因
以雄雉名齋癸酉甲戌聯捷以第二人及

第今此齋連年雉
集故未聯及之

碎琴陳正字敲句賈長江歧路窮燕市歸心傍佛

墨香閣集卷十一

詩 五

幢友兄曾下帷佛寺二年

緣承賈長江句借用誰憐霜點髻且盡酒盈

缸後會知應近翬飛集舊窻

尋峽山寺三生石張照人先往不相及時已

抵暮招之返舟

同訪三生石相違一瀾烟亦知行不遠只在短橋

邊峽樹寒殘照山風壯暮泉前峯不可到還共宿

江船

按試次東阿驛粵東洪庸箴使至答來書並

次見懷韻

酒憶螺盃勸

辛卯秋與庸箴同遊羅浮後子即勞
理歸攜庸箴錢別距今十有一載

憐驛路稠塵沙欺髮髻風雨夢羅浮蟾魄寒光軌
魚山獨樹秋燭殘書草草遠意竟難酬

山行飯田舍

步履隨花引縈紆路不窮青林隱農舍翠竹搖春
風盤飴山薇紫盆頽社酒紅閒談移晷晷返照上
墻東

贈石門僧鑒初

聊此安餅鉢焉知歲向殘萬峯攢草屋孤影寄蒲
團砌雪前冬積鑪灰永夜寒廣長宣妙諦飛瀑落
簷端

墨香閣集卷十一詩

六

登碧霄峯頂

晚風吹兩腋歛已上孱顏落葉滿寒水夕陽移遠
山塵鞿何日息行役暫時閒始信樵耕樂崖居早
掩關

雁蕩五首

山有東西二谷崖壑奇麗謝康樂
守永嘉伐木開道自崖而返至南

宋此山始顯從前未有
知者大龍湫在西谷中

一經秋雲上千峯遠壑中馬蹄侵犖确鳥道闕鴻
濛崖仄洑洑濕橋欹浩浩風垂堂非不戒爲愛谷

西東

謝公
嶺

棟兜攢天巧雲嵐作晝陰望中疑締構着處自森

沉山翠寒僧面溪聲洗客心卻忘郵驛近塵土在

衣襟石梁洞

積疊千尋石盤旋一線天窻前銷野馬檻底俯飛

鳶冥解光縈眼瓊臺近拍肩此洞可望大洋距天台山之巖臺百餘里

無才酬絕景隨意拂紅牋用李青蓮語靈峯洞

轟列青銅嶂斜紆碧玉環猗雷轟地軸晴雪舞天

關派衍三潭水名滄五泄山永嘉仙臺山三潭瀑水舊云雁蕩泉脉曆

通五泄亦號小龍湫真源尋欲徹乘興躡屣顏大龍湫

澗風臨夕急落木颯紛紛僧踏橋邊月人家嶺半

雲地爐封芋火山屐染苔痕龍雁秋光好烟嵐許

墨香閣集卷十一 詩

七

共分宿能仁寺

山陰舟行睡起煎茶次裘滄曉韻

擊鉢驚殘夢春雲放午晴披衣不暇懶卷幔有餘

清梳攝干峯翠鏘收萬壑聲武夷曾棹徧未抵此

中行

滄曉入天台山予待於國清寺逾日不歸詩

以招之

布襪羸糧去天台第幾峯閒雲滿空谷無處覓行

蹤濕水飛梁險瓊臺仄徑封山中空信宿蔬筍待

齋鐘

查賑次安東

庚戌七月江北淮揚邵徐大被水惠民食草根樹皮持旨

疊加賑卹及侍郎馬公督賑務命子

舊堞欹斜照危檣犯叠湍河聲趨海急秋色入城

寒下地溝防廢

同禮稻人掌稼下地以防止水荒溝洩水安東境內水道混淆故

年草樹殫宣

思愁不逮當食忍加餐

河隄雨宿

暮雨阻驅馳河亭寄一枝秋燈經夕耿成鼓到窻

遲飢鼠翻叢牘寒螿訴斷籬夜長渾不寐門外有

遺黎

曉發版浦望海中雲臺山

墨香閣集卷十一 詩

八

飛棹疾輕鷗王程敢暫留侵衣晨露重吹面海風

秋心警無涯水身同不繫舟雲臺青入望溟漲日

初浮

淮北書所見

避水難民徙家隄阜緝葦草棲息名曰舍子與免昏墊詐異漲

又及婦子莫克保往來查賑觸目愴懷吟此

舉家經蕩析托命轉輕微后土乾難得家園夢當

歸濕雲屯草舍濁浪打蘆屏那得如鴻雁哀鳴尙

隊飛

雨泊大伊山下

自山嶺至麓避水難民綵居是夜雨聲徹曉

伊山晝乍昏落木亂紛紛颺送三山雨鴻哀衆壑

雲溢流迷舊澗飛瀑刷荒墳益睡徒虛語少陵村雨詩世

情只蕭騷徹夜聞

賑淮北水災重九日舟次高郵中丞尹元長

馳詩六章走筆次韻是年異漲湖海河淮渠蕩混而爲一

陶唐猶降洞氣沴偶乘流天意成無逸君恩

勝有秋蛟掀蒙繹地鴻集充徐州莫漫哀鳴數

絲綸已豫謀

憶昨羣流匯俄教萬井驚連村縈水府挾月斷郵

程地軸欵來舊天瓢瀉合平傳聞樓櫓圻打漿入

層城邳州及徐屬城圯水灌入

墨香閣集卷十一詩

九

河受諸川匯憑陵競怒奔迷離牛馬影怫鬱鯉魴

魂用南華及瓠子歌語沂泗矜餘勇淮黃溷舊痕菱薪攢瓠

子畚鍤水雲昏

祇命侵星發烟波失故隄稀聞涼蛤吹秋稻盡淹

敢趁夜烏栖斷續秋旻漏聯綿草舍啼難民支犇隄阜

日舍壯懷思拯溺到此意翻迷

海口還河尾潮聲攪夢思帆隨鼉背轉槎傍蜃輪

移安東河尾鹽城海州係海口海汊勞瘁微臣職

懷襄聖帝容無才增凜慄不爲薄寒時

三壤咸蠲賦功超大禹謨湛恩周水國瑞應

出河圖時報黃河清好借詩爲頌疇聞吏索租用九轉日事

災成大有峻德契三無

壽程大翁二首蓋陽孝廉新鄉令程衡若之父

訪道浮邱近疑年甲子多聲光矜晚節裘屐帶春

和雪後騎驢出梅邊載酒過斜陽潭上路綿邈聽

漁歌水經注蓋陽多深潭漁者日夕謠咏相和羅君章所謂其聲綿邈者也

經受河汾業隋程元振受經文中子青燈夜課兒雨滋珠樹

砌秋擢桂林枝寫影飛偏近春暉願不違綵衣裁

美錦祿羨在館時

樓望永嘉

墨香閣集卷十一詩

十

信美非吾土相依似舊谿無由銷旅恨長是躡危

梯秋老山容瘦雲歸樹影齊闌干憑欲徧鄉路此

樓西

次唐赤子庶常春懷韻三首唐僑居揚州

菀圃抽身早蕪城息影難蹉跎湖海志一室閉春

寒注易蠅頭密臨書鳳味乾日注周易臨關帖布袍新製

就誰識舊仙官蓬蒿微有徑湫隘久無鄰廿四橋邊客三千里外

人家山迴白首遊釣夢青春獨夜商聲起哀歌不

爲貧

未挫凌雲氣頻年厭蛭螟

用天隨子語

飢腸何用飽白眼幾曾青雜遝瓊花觀喧豗芍藥廳未聞騎鶴客

敢叩草元亭

題萬授一前輩春日讀書圖次仇滄柱先生

韻

官齋長閉門六籍派真源徧識東風面稀窺曲水
圍鏗金停擊鉢連錦罷書裙

唐呂向工隸號連錦書萬亦工隸故云

草徑少人跡昔邪盈短垣

秋夜吟次唐赤子庶常韻

文字工違俗聲名恥盜和

用韓致堯桃李盜天和語

昂藏狂態

墨香閣集卷十一

詩

七

在羈旅楚人多蝸跡漫苔蘚蟲鳴集薜蘿此中何
所樂徹夜自酣歌

夜泊隆平鎮

暮帆風淡淡夾港水泠泠斜照有餘映遠山無數
青牧歸分野徑漁宿集迥汀江步千家市繁燈雜
列星

東林寺

己未春次東林驛尋東西二林俱荒圮宿寺前驛館次早訪遺愛寺白香

山草堂不獲次驛壁韻

白蓮池半涸寥落寺東西夜色沉廬阜幽泉咽虎

溪禪扉郵館逼影壁舊塵迷更欲尋遺愛荒叢杜

字啼

安澗

信步沿山澗山花處處紅
檉林少塵跡
茹屋有春風
峯影高低落
渠流左右通
前村何路入
遙詵灌園翁

辛酉立春日作

寒威應漸減
物候已微暄
殘雪分樵徑
新陽入燒痕
酒連前日醉
鑪剩隔宵溫
長喜東風到
山齋不掩門

雨滯安東題公館壁

墨香閣集卷十一詩

十一

河畔陰雲簇
簾纖雨未停
荒城連夕暗
秋夜一燈青
歲儉憂難戢
宵寒夢易醒
經年隨泛宅
身世歎浮萍

銷夏二集分得漁叟限錢字韻

禁用漁父故事

稱意在江天
逍遙不記年
孤村移晚照
小艇颭寒烟
遠謝紅塵客
真成皓首仙
得魚時換酒
不挂杖頭錢

湘江晚泊

蕭爽晚江天
湘流百丈牽
犢歸青草外
漁唱綠蘿邊
人事貪斜照
郵程息暮烟
市橋沽酒近
沙路月

娟娟

遊峽山飛來寺八首

寺居山半舊傳神化方士蓮自舒州自寺左上

里許更深蔚有亭及靜室後峯極高卽寺後山也

峽流歸檢勒山勢與逢迎峭蒨澗裏遷延宛轉
行壁蘿屯古綠石澗滴深清是處耽幽賞青鞵不
計程

澗草霑泥溼頻疑過鹿羣中峯時一雨初地更層
雲磴仄藤根護崖開樹影分香臺行漸近疎磬隔
林聞

寺飛來不去應是戀名山神攝廬江刹猿歸碧洞

墨香閣集卷十一

三

環松杉層崑綠砌兀久疑斑禪侶無塵事緜經杳
靄閒

不獨亭臺勝天然景更饒螭階千嶂簇蠻徼百靈
朝崖洞環禪室池潭應海潮軒窗天半敞鷺嶺逶
峇堯

杭州靈隱寺無此高敞

孤亭懸樹杪仄磴入雲頻地自梁朝闢山藏邃古
春明霞攢佛頂空翠着僧身永晝聲聞寂金鈴語
相輪

出入渾無路松篁障碧霄瀑泉飛近竈澗石卧成
橋雲老菌芝詭山深猿鳥驕此閒容隱跡叢桂許

誰招

欲極炎荒目還登黛巘巔由來雲起處只在石欹
邊海嶠通三島東南混一煙嘯吟聊小試搔首問

青天

遙山衙落日萬籟競颺颺嶺外饒炎熱山閒似廩
秋盤旋歸路遠悵望暮雲浮竟日窮攀陟滇江久

駐舟

峽山坡仙亭次壁閒韻

亭在山坳池深樹老
饒有勝致亭畔石上

有三生石三
字東坡所題

激激靈泉滙森沉老樹稠無雲霏細雨當暑颺高

墨香閣集卷十一詩

十四

秋萬里孤臣迹三生片石畱惠儋塗更遠應憶峽
山遊

賦得歌聲識採蓮

湘流中夕渡何處送歌聲應是紅裙伴同攀碧葉
行荷香飛韻遠水調出花清採擷船將滿遙縈旅

客情

清明日偕同人泛湘分得人字催字

坐對花兼酒猶然負此辰凌晨招勝友出郭踏殘
春野寺清陰合江天碧草新昇平風物好不羨永

和人

暄暖逢清曠，塵襟向此開。
棹隨湘勢轉，詩借鉢聲催。
故事徵修袞，沿流抵泛杯。
淹留文字飲，織月上城隈。

迎春四集分得柳絮限由字

競趁東風起，顛狂不自由。
鶯捎工卻避，蜂仰得遲留。
日午隋隄畔，春晴灞岸頭。
漫天無意緒，童穉逐飛浮。

山閣

庚寅謁假歸里作

九陌頻年隔，層軒盡日登。
抽身非有待，得意是無能。
倚檻千山月，垂帷半夜燈。
生涯還似舊，心跡較

墨香閣集卷十一

詩

五

清澄

江樓重餞楊，定山還潭浦。

來時避風南津港與定山鄰舟時段

橘湖過訪夜飲欲聯吟而餅罄缸幫聯絡距岸甚遠以不得沽洒而止今定山歸舟載酒最多故末聯及之

江望秋無際，高樓餞別頻。
遙空橫旅雁，斜日送歸人。
岸落荆門水，船移若下春。
拍浮今滿志，醉咏渡

南津

鄉居十詠

有序

茶鄉居州之東南，距州城七十餘里，烟火萬家，岡溪疊環，之山無不樹水，無不石，無

童山奴水風物舊稱清麗其南北崖洞多
靈幻余童時聞族人稱說輒神往局於家
塾末由往觀猶意此僅鄉之一隅宇宙之
大勝此者必多洎通籍于役四方遇風景
佳處每迴環周覽總未有與茶鄉儷者而
後益歎吾土之信可樂也丙辰奔先君子
喪歸里服除後家居近二年時偕兒姪輩
往來祖父墓所凡足所經目所寓地不踰
八九里而於童時所聞者獲歷殆十之三
四爰紀其大畧繫以詩得十詠適同年友
常寧段相山至閒與同遊見此詩謂可備
山志因錄存之俟他日徧遊西南諸勝一
續咏以償宿願焉乾隆辛酉三月上泮

書

皇雩泉

泉出石壁大小七竇唐鵠師乘鷲至
大田爲謝媪勅龍處也噴雪轟霆灑

田數萬畝崖下有蕭
師祠事詳皇雩泉記

匡匝山容複玲瓏地液通七星開竅萬斛沸笙
鏞鶯說空王偈龍依佛子宮大田徵舊事霖雨出

林叢

石人峯

在雩泉東南戴石插雲北向巨石十
有八枚離立肖人俯仰之容俗傳晉

魏閭棲隱者所化山由衡岳分支桑喬廬山紀事謂山脈經茶陵峻嶺卽此地勢高不受零水歲旱土大攀援登巔以泥塗一二石三日內必雨謂之前泥雨

去天纔尺五森峭屹南維石準登瀛數峯呈拱極儀衡山茲副岳廬阜是孫枝蒼潔憎塵沓風雷舊

護持

書堂山

唐時鄧塾師九日自秩堂被霞飛昇愁是山故名每踰年春夜必有雷電入廟刷塵至今猶然鄉人重九於此登高事詳山記

黃卷勝丹砂

仙期應菊花絳帷騰若士縞帶悵侯

芭玉藻弟子縞帶

足躡三秋影衣攢五色霞至今山殿上

春雨掣金蛇

墨香閣集卷十一詩

萊坡

余族近千家列居此山內外土膏石骨是名石巖山如屏曲中含邱壑堪登陟迤南岡坪為萊坡鄉音訛雷鉢末度歐賊越境肆掠族祖楚鎮感靈夢立棚此處集族扞禦賊不敢逼建靈宇廟於山下以酬夢應前有方塘數十晨曦夜月益增勝概

四時濃翠滴殊特此山光誰擅丹青寫還饒草木香池心迎曉日俱面廟眷枕平岡頻覺吟聲近書

樓萬竹旁

石窩潭

潭上石崖如削零水自高峽飛瀑下注潭下兩岸碧石砥平石凹呈形若甕在餅日之類凡數十處畢肖風物幽奇到者神爽目眩而地志闕載詳潭記

匡廬懸瀑峽衡岳絡繹潭勝蹟難為偶神工此可

三石巔聯甕益崖沫幻烟嵐爲補圖經闕標奇夢

澤南

馬潭

碧石夾岸中開大小石筍矗起雩水屈曲經流隨勢生態高者爲瀑下者爲澗潭上石長頰修項俯飲潭水若渴驥奔潭故名馬潭登此心目頓易潭對墨香閣徹夜聞瀑瀑聲也

碧石紛矜峭清溪此滙流岸容低渴驥潭氣媚潛
蚪噴雪寒銷夏轟雷響劇秋路迴橫畧徇碧漢一

槎浮

龍堀

龍蟄山畔田塍菱藕中常作雲霧前代遇早崇禱卽雨余始祖善德公會於此見龍今傳聞龍移安澗然泥淖處人不取立立卽陷此地爲東南孔道商旅經由者

墨香閣集卷十一

詩

相戒毋
褻語

靈物棲人境衢邊舊戶庭溝塍攢蜃氣風雨帶龍
腥前代遙流潤凌晨幻示形行人無敢唾葭葦日

青青

安澗

龍堀迤東北山行七八里曰安澗風景與曠有虎徑山泉甘香蠲疾土人云龍堀之龍移居此先祖父墓在山上前里許有安慶寺余族舊建

一徑蒼青裡迴環別有天來衝龍堀霧行近虎陘

泉農舍依崖樹齋鐘渡澗烟瀧岡猶未表涕淚望

崇阡

禪和冲

萊坡山後里許丹山橫亘爲南壺山一日壺嶽嶺折而南循山徑西行至

禪和冲竹樹攢陰村舍前有園有池先高祖塋域在山上右嶺山如覆甕山下卽禪和庵蕭師乘鷲至大田還憇此處也

丹山迴合外誰信有園林叢篠迷來逕危杉作畫陰池涵明鏡影寺送午鐘音舊是鷲飛處香花散近岑

太和嶺 雲山北獨起一山宛若垂雲層巒列七曜三台之象和氣薰蒸四時蒼翠

欲飛草色不悴故名太和或云自均州太和山飛來荒誕不經

名號同參岳岡巒勢許分經冬餘碧草入望豎青雲巒嶂三台接冲融一氣薰家僮樵唱近書閣舊

曾聞

墨香閣集卷十一 詩

九

段相山和韻後又別作十首猶謂隸事未盡

索子和以補之因次其韻

泉吼蒼崖罅濤春翠麓西幾容僧枕靜疊見佛龕

低泉奔西嶺廟前廟內佛座壓藤羅環絡諸 倒影歸蘿井 山尖

峯倒影其中 餘聲入稻畦自來遊屐至欲賦意翻

迷皇雲

肖形從太古峭到蔚藍天自昔雲堪卧于今石是

仙振衣舒眾皺橫帶弄餘妍 山橫白雲曰耐可捫

蘿上遙看九點烟 石人

邨鳴雷遺砌 今秩堂小鄧阜卽書塾飛昇處 雲車馭太清證仙憑

聖籍得道屬經生
山色丹霞駐山色如丹霞
堦香紫菊

盈年年重九會
鴈詠說長生書堂

喬木盤根固迴巒
得氣春枕山攢萬瓦面
沼淨織

塵印壑遊從數入聲
登臨興益新
萊坡環草卉列坐

藉花茵萊坡

夾岸蒼青石雕鏤
費化工迅流山送響
高落練翻

空潭舞皚皚雪崖迴
颯颯風終年誰管領
全付荷

鋤翁石窩潭

怪來激激水歛忽
鼓雷車爲有噴吼石
春撞舞雪

花碾窩驚躁蟹潭
面飲文駒具體方壺
勝仙家屬

墨香閣集卷十一 詩

二十

釣家馬潭

在田頻變幻爲雨
徧霑濡始信神靈物
常耽淡寂

居羣疑到蚪蚪舊
誠怯沮洳洞穴連
湖海雲霄此

路衢龍堀

秋光疑集此一一
畫中詩落葉下苔徑
夕陽移權

籬地偏歸犢早天
迴暮禽遲何處歌聲
發鄰塘唱

竹枝禪和

欄水流清淺眞源
濟待今水源待濟
人家丹嶂麓寺隱

碧蘿陰雞犬遙相
認樵耕入更深昔年
曾誓墓猿

鳥咲初心欄安

春和疑此駐淑氣似忘歸一嶂雙溪隔三台眾岫

依前水後為崖水此山中隔故山近處無曉窻

迎爽氣夕閣對斜暉山在書四序無寒悴青雲縹

縹飛太嶺補

癸亥春二月常履坦中丞招遊韜光寺卽席

賦詩次韻率和兼以志別

仄磴盤峯頂層臺倚樹陰仙塵全隔絕景物自森

沉苔繡封山脊松花落井心上方兼輿曠行坐愜

幽尋

斗室收山色方池寫鏡光遊何殊翠澗用東坡同

墨香閣集卷十一詩主

廬山簡寂觀事樂不數濠梁雉堞供縈帶龍宮接混茫新

晴有登眺不負此春陽

眼底羣峯碧樽前一澗清塵機何處着物累此時

輕几席無纖翳垣墻稱野情迴翔移日晷虛谷應

鐘聲

滿目舞琅玕孤軒萬綠攢此閒堪久住自度可能

閒江海簷前寫陰晴畫裡看山僧會舊識似訝髻

毛斑

會此山樓宿戊申秋七魂清夢未成半窻搖魄魄

獨夜枕蛩聲句寫新泥壁泉烹舊豐鎗十餘年倏

忽重到若爲情

山行心已醉况復入雲端春興催人到天風拂袂
寒和詩頻閣筆話別一憑闌前路應迴首黃埃撲

馬鞍

范侍御母王太君輓詩

忠宣家示範孟博母稱賢芳軌由來舊流風此更
傳窻雞寒警雪岡鳳曉鳴烟松栢城西路豐碑待
表阡

滇陽舟中同張鹿軒家涪東餞送張照人歸

白下次畱別原韻

墨香閣集卷十一 詩

三

藤篋緘殘稿蒲帆破曉烟自珍平子賦誰問孝廉
船別盞傾洋酒酬詩擘蜀牋白門程計日歸及柳
花天

秋夜類欄月臺讌集得何字

時吳荆山大宗伯俞穎園少司

農方靈皋閣學暨詞館諸公二十五人與焉

層空不受翳明迴失星河葉落秋陰滅庭寬月色
多息棲驚曳履蛩響答酣歌不有羣賢集其如此
夜何

舟行夜過平望書感

炬遠迴郵吏烟深羃戍樓權歌江月午林響夜風

秋搖落牽羈緒頻繁記昔遊自甲辰至今經過廿此地者十四度矣
年成底事祇益髯霜稠

送王戴芬之越東戴芬工書法能詩

王郎天下士卅載溷塵氛
泛梗無停跡離觴又送君
袖熒孤客淚帆隱半江雲
去去春將暮蘭亭待右軍

贈雁蕩僧侶雲山東人幼附海舶至溫

夏臘渾忘紀滄溟稊歲來
帆衝鰲背浪屢破雁山苔
舊構依崖石殘經簇爨煤
龐眉仍好事瓶貯瀑泉圃

墨香閣集卷十一 詩

三

翠微寺

炎歊如隔斷棹轉更蒼蒼
石老山容瘦蘿深水氣涼
落虹連凡砌門接長橋虛翠着衣裳
向晚溪烟滿遙岑見夕陽

淮口舟夜

戍角吹將徹檣帆未輟征
斷雲迷雁影亂葦急蟲聲
晚暮才彌拙羈離感易生
如淮雖有酒那解灌愁城

月夜集飲潘相湖小山園池亭得青字

明月隨輕屨到君池上亭
匯來雙澗碧倒攝小山

青夜色詩相得秋聲酒易醒
夾衣涼露濕真似泛
滄溟

常雲峯頂老僧

山門外時
有虎鬪

卅年耽冷寂積蘚上齋鐘
掉臂石頭路安心雲頂
峯忘年煨紫芋多暇蒔青松
門外無人到長畱虎
鬪踪

王符躬甫客歸復遠遊秋曉集天寧寺餞

送得橫字

結束驅羸馬秋風更遠行
浮雲不暫住落葉共孤
征曙寺羣鷗散霜天一雁橫
筵前程萬里迴首隔

墨香閣集卷十一

詩

古

層城

夏夜池亭納涼

清池不受暑軒檻夜乘空
獨坐三更月徐來四面
風荷香酣宿鷺松露滴鳴蛩
太覺清寒甚頻燒蠟
炬紅

秋夕海上蓬萊閣坐月

萬頃瑤璃界危樓敞夜扉
海天渾一碧水月迥相
輝蓬島無多路水輪幾倍圍
海中諸島如列檻前
月輪較他所大數倍
當筵風獵獵軒檻欲翔飛

大梁驛集餞趙雲夫之官褒城得身字

河風寒酒盞驛舍送征輪今夕雞催夢長途鶴伴
身邑通斜谷口城傍沔流濱鴻雁飛鳴待時秦中歲歉
行田及小春

江岸晚霽

谷口雨初歇渡頭雲亂飛樵風吹箬艇帘影出荆
扉綠壓桑條重青攢稻葉肥江村斜照裡誰與畫
將歸

盛暑按試越東道中止宿半嶺寺

行役投香界炎歊隔寺門峯攢禪定室涼沁旅人
魂沼仄受斜月林深生夕雲終宵眠未穩杉檜響
紛紛

紛紛

墨香閣集卷十一詩

五

潭試歸舟同劉繹武諸人岸行紆迴入山家

小憩竹樹隱映有幽趣主人煮園茗談山
居事類有道者詩以紀之

舟遲容展眺登岸更攀尋崖澗濕危磴江雲生片
陰袂衣行路重茗飲坐談深記取幽人屋桃花閒
竹林

使越舟泊尹山橋同年吳江令徐正峯攜樽

夜話

黃鶻磯頭讌酣吟激大風共話乙酉舊事自憐雙鬢改復

此一樽同淮甸凋殘柳吳江落盡楓羈懷今頓豁
話舊夜燈紅

送丁翰編赴松陵

翰編被放其兄宰松陵太夫人在署因赴省侍

秋風吹短袂斜日照離杯人向松陵去舟逢野漲
催文章讐濯絳時命妬鄒枚翻益慈顏喜棠花共
砌開

蛺蝶 尋春四集限黃字

原與花同色應知夢亦香午風隨浩蕩斜日送悠
揚夾岸春蕪綠連畦野菜黃團飛渾不定生態惱
滕王

墨香閣集卷十一

美

秋杪偕署中諸友餞送江維牧得殊字

晚香花盡縱高館酒頻呼正爾賓朋集翻傷去住
殊暮江秋更迴旅客月同孤今夜篷窻底還裁別
賦無

督賑江北水災舟行復值雨

淮南猶異漲野外祇殘墟鴻雁何時宅蛟龍未定
居蒲帆雲影壓蘆葉雨聲儲不信秋
是漏綿延
兩月餘

杭城送韓臧伍歸關中

沛水頻年客吳山浹月雷東風吹別淚朝雨上行

舟薄俗誰青眼羈懷自白頭故園貧亦好應悔出
關遊

薄暮發華溪二更抵茭道駟館未宿復然炬

山行

暮行疲犖确猶思緩王程未稅勞人駕虛慙候吏
迎四山沉夜色孤館集秋聲鴻爪何曾着愁聞野
戍更

踏青

眾鳥聲侵枕叢花影拂牆春晴催我起信步忽前
岡草色如相待山風賸有香南坳攢紫翠擬構讀

墨香閣集卷十一詩

七

書堂

荆山得住酒招同人集飲月下分韻得麤字
片月清如此微雲淡若無索郎今有願羈宦卽吾
徒夜久寒光逼吟成醉墨麤預將歸騎遣竟夕駐
冰壺

欹枕

疊夢濃方覺晨光似夕陰秋聲移樹近涼雨閉門
深迢遞棲山約蹉跎報國心寸懷攢萬慮欹枕不
成吟

夢覺時何晚歸休願幸伸卅年嬰物役一舸認吾
身鄉路行將半山圍望已頻翻憐遊釣處不識白
頭人

鄉思

數憶書樓北溪潭對里門同儕曾共憇舊事與誰
論燕壘泥香濕漁磯蘚氣溫風光仍不減鄉思劇
黃昏

北河阻風

河漲秋霖後舟遲逆浪中遙天渾在水亂葦善聞
風雞犬寒原寂魚鰕舊浦空客愁無可遣竟日數

墨香閣集卷十一 詩

三

征鴻

野泊

魯橋南下路是處觸驚湍積水際天遠孤舟臨夕
寒風燈搖更翳村釀濁兼酸假寐何由得彌嗟行
路難

次夏鎮

危橋迷舊戍奇漲積深秋頻歷滌迴處真成汗漫
遊山光初到眼波響尙隨舟聞說淮南路河湖亦
混流

甌山僧 青州人

不語樓崖谷頻年坐小樓性空無可說山靜易爲
秋月影浮潭面霜花被石頭布衫寒夜着紉製自
青州

夜發楊子橋至儀徵

夢半披衣數

入聲

人生底事忙殘冬猶道路中夜促

舟航犬吠遙汀火鷗驚獨樹霜眞州城堞近烟霧
正蒼蒼

雨夜泊昭陽湖

豈是秋旻漏雲屯積水鄉帆檣輸雨勢濕潤翳

燈光酒薄羈愁賸湖寬客夢涼悔依蘆葦泊滴瀝

墨香閣集卷十一

詩

无

夜偏長

淮南舟夜

地浮鷺遠望歲晚鷺長征荻浦和雲宿蒲帆帶月
行荒雞鳴欲徹凍蝶夢難成鄉路纔逾半愁聞算
驛程

06992

墨香閣文集卷之十一終



